

**Escandalo Internacional.****Den cuadro di combattimento di droga, Hulanda a dal Aruba un CUBA:**

# Cargamentonan grandi di droga tabata pasa via CUBA

ORANJESTAD(AAN) For di exterior DIARIO a haya informacion riba un escandalo grandi di narco trafico pa Hulanda, cu ta encera trafica-cion di droga via Cuba pa Hulanda.

Den cuadro di combattimento di narco trafico cu supuestamente na grandi tabata pasa via Aruba pa Merca y Hulanda, un batayon di polis Hulandes a ser manda pa Aruba y tapmento di telefoon, MOT, LOT, y tur sorto di accion hudicial a ser poni riba pia pa caba cu e supuesto narco trafico cu tabata flore-cia na Aruba o via Aruba.

Miyones a ser gasta te awe pa para narco trafico via Aruba y cu tabata procedente di Colombia y ta tur sorto di famia di comerciantenan na Aruba a ser difama internacionalmente den e supuesto guerra contra narco trafico na Aruba.

Ayera a sali na cla cu cartel-nan na Colombia tabata manda toneladanan di co-caina via Cuba pa Hulanda.

December aña pasa un in-vestigacion internacional a ser haci y a bin saca afor cu cartel di Llano na Colombia tabata burla di DEA, Interpol y tur otro instancia policial den Caribe cu tabata combati narco trafico y cu tabata con-centra tur nan atencion riba Colombia, Venezuela y Aruba, pasobra droga tabata pasa na grandi via wafnan di Cuba pa finalmente drenta Hulanda y plama riba cay-anan Hulandes y te hasta di otro paisnan Europeo.

Diez cargamento grandi di cocaina a ser manda via sel-vanan di Meta, pasa Cartagena, Cuba, pa destina-cion final cu tabata Hulanda.

E investigacion grandi aki a cuminsa ora cu na Cartagena polis Colombiano a inter-cepta un cargamento grandi di 7 tonelada di cocaina cu tabata destina pa pasa via Cuba y despues pa Europa y cu Hulanda como e prome puerto di transito.

Dos ciudadano di Spaña a ser deteni na Valencia, Spaña y nan ta worde acusa door di Fidel Castro di ta doño di e cargamento grandi cu mester a pasa via Cuba.

E dos Spañonan cu a worde acusa door di Castro, di ta

doño di e cargamento, ta bisa cu Fidel ta lanza tal acusacion cu e solo metá pa confisca bienes na Cuba di e dos em-presarionan Spaño.

Fuera di e dos ci-udadanonan di Spaña cu a worde deteni den e caso aki, tambe dos Frances a worde deteni y nan tambe tin ne-goshi na Cuba.

Director di polis Colombi-ano, general Rosso Jose Serrano a manda informacionnan di e investi-gacion grandi riba cartel di Llano pa Fidel Castro, kende na su turno a declara guerra

frontal contra narco traficantenan y a bisa cu Cuba lo pone pena di morto contra tur es-nan cu ta meti den narco trafico y cu kier uza Cuba como trampolin pa trafica droga pa Merca y Europa.

E cartel di Llano tabata traha den tur silencio mien-tras cu autoridadnan Colom-biano tabata concentra nan guera anti narco traficante riba cartelnan di Cali y Medellin.

Polis Colombiano a bin haya sa cu e cartel di Llano tabata uno hopi mas grandi y hopi mas poderoso cu hende

por a kere y spera, y awor nan mester bay concentra nan atencion riba selvanan caminda cu cartel di Llano ta opera y tambe sera combe-nionan di lucha anti droga cu paisnan Europeo y tambe cu Cuba.

E ultimo desaroyonan riba tereno di narco trafico via Co-lombia pa Cuba pa destina-cion final Hulanda, a pone cu henter e modus operandi cu Hulanda a pone riba pia na Antiyas y Aruba mester worde cambia, pasobra Aruba a carga cacho pa otro-nan mientras cu polisnan Hu-

landes tabata bolter filenan riba tur sorto di Arubiano riba abao y Servicionan di Inteli-gencia tabata manda filenan di Arubianonan rond mundo. Cuba tabata worde uza pa trafica droga na grandi.

Tur cargamento grandi di droga tabata pasa, bao di nan-ishi di polisnan di DEA, Polis Hulandes y tur otro polisnan den Caribe, pa via Cuba ser manda pa Hulanda.

Cu e ultimo informacion-nan haya di Colombia por worde bisa cu Hulanda a dal Aruba un bon Cuba den e lucha contra narco trafico.

**Conseho di Ministro a aproba Hotel pa San Nicolas:**

## San Nicolas no por worde perhudica pa un Club di Carnaval

ORANJESTAD(AAN) Te cu ayera ainda pueblo di San Ni-colas y Pariba di Brug tabata raso pa cu e trancamento di awor aki caba pa cu e proyecto di hotel luho-so na Colony.

Specialmente habitantenan di San Nicolas y vecindario tabata puntra nan mes, ta ki malo habitantenan di Pariba di Brug a haci, cu politiconan na Aruba ta haci nan maximo esfuerzo pa tene San Nicolas y Pariba di Brug abao, y cu ta bon bisto cu politiconan ta nenga di laga desaroyo di Pariba di Brug tuma lugar.

Pueblo di Pariba di Brug a laga sa, cu awe mas cu nunca nan ta convenci cu San Ni-colas y vecindario ta solamente bon pa temporada di eleccion pa tur politico bay campaña Pariba di Brug y pasa di cas pa cas pa gaña hende den dia cla, cu excepcion di ministro Beke.

"E falta di reaccion di parti di tur ministro, (cu excepcion di ministro Beke kende a haci su maximo esfuerzo pa cum-inza desaroya San Nicolas den apenas algun luna en-carga cu cartera di Turismo y Economia), a lanta masha hopi rabia y disgusto cerca pueblo Pariba di Brug".

"Tur partido a bin San Ni-colas y a priminti cu nan lo bay duna San Nicolas e de-

saroyo cu e merece pasobra pa decadanan largo San Ni-colas a ser negligia y ta e bini-mento di Lago so tabata e unico progreso cu San Ni-colas a yega di haya y mas nada".

"Te hasta Keuringslokaal nan a kita di nos y awor des-pues di e hospital cu tambe nan a tranca pa nos no haya, nan kier nenga nos un hotel y hisa chollennan benta riba nos como e unico recompensa pa votonan cu nan a haya?"

"Nos no ta compronde di con cu awor cu ministro Beke como e unico ministro y po-litico cu a muestra bon cla cu e tin tur bon intencion pa cu San Nicolas, cu su mesun coleganan di coalicion ta boycoteando e ministro aki".

"Aruba henter sa cu minis-tro Beke tabata e unico cu a logra pa pusha parlamento pa aproba un hospital pa San Ni-colas y cu alma y cuerpo su mesun coleganan a stroba Beke politicamente pa no laga San Nicolas haya su hos-pital".

"Ta San Nicolas te awe a sali perhudica cu e no por haya un hospital y ta nos yiu-nan ta core peliger cada biaha cu tin un caso di urgencia medico y cu na caminda pa hospital te banda di hotelnan na Eagle, famianan mester resa na Dios cu e victima por

yega na tempo y tur esaki pa capricho politico di ministro-nan y contrincantenan polit-ico".

"Ministro Beke no a drumi y a sigui pusha pa desaroya San Nicolas y awor cu el a lanza su prome proyecto grandi na beneficio di San Ni-colas y vecindario, ata atrobe su mesun coleganan y te hasta politiconan cu no ta den par-lamento, abiertamente ta stroba Beke pa yuda San Ni-colas".

"Si Beke tin mas proyecto grandi pa San Nicolas manera cu e ministro mes a declara durante siman, anto ta kico mas e mester haci pa logra cu su mesun coleganan no ta stroba e pueblo di San Ni-colas bay padilanti?"

"If they don't let Lili build us a hotel and hospital we bet-ter push the government and Aruba en general to make Lili our first Mayor o Governor for San Nicolas, because oth-erwise we can forget any-

thing else that we might get from promises from politi-cians".

"For di basta tempo caba Nanki no a haci nada na e localidad na Rodgers Beach y awor diripiente cu San Ni-colas por haya su prome hotel luho-so cu lo aporta na grandi na e desaroyo di San Nicolas, nan por tin cuero di cara pa bin bisa pueblo di San Ni-colas cu un grupo di carnaval ta mas importante cu futuro di nos yiu-nan?"

"Conseho di Ministro a aproba e hotel pa San Nicolas y awor pa beneficio di un club di carnaval San Nicolas mester sali perhudica?"

"Pa bandanan di Curacao por bin toca na grandi den Nanki Country Club cada pasa tanto luna San Nicolas mester sali perhudica; No way?!", esakinan tabata comentarionan y criticanan compila di pueblo Pariba di Brug.

### PROCEDURA DI PRIVILEGIO ?

Masha straño ta e procedura cu despues di tanto reclamo, diahuebs anochi imigracion ta busca un americano na un hotel caminda el a traha lunanan largo sin permiso, y diripi-ente ta hibe hospital pa saca portret di torax, y lague bay liber pa sigui su trabao ayera. Tur otro si ta wordo poni riba avion mes ora, y con a para cu e multa pa esnan cu ta pone hende traha sin permiso di trabao den negoshi? Por ta cu ta tende aki cu e permiso ta den tramite na DOOV?